

بِسْمِ اللَّهِ الرَّحْمَنِ الرَّحِيمِ ...

بصوا بقا عشان تبقوا عارفين ال volume اللي معانا ده اللي هنبداه دلوقتي زي ما بقول لكم هيبقى تقريبا تلت المنهج .. تلت الدرجات وهو ال volume مهم جدا.

فيه امتحان بيكون في سيكشن اول شهر بيشمل جزء كبير جدا من المنهج فممكن تذاكر اول بأول عشان ماتتزنقش ده هيخليك توصل للامتحانات وانت جاهز ان شاء الله ...

من الحاجات اللي داخله ف الامتحان بتاع ال volume ده كتاب العملي في كتيب عملي هنوزعهم لك في القسم واحد فيه شرح مواضيع العملي اللي داخله ف الامتحان ده ..

كتاب القسم ألفه اعضاء القسم كلهم فهنذاكر من كتاب القسم او من ال notes اللي انت هاتعملها بنفسك لاجابه الاسئله اللي انا مديهاك في اخر كل شابتر مغطيه الشابتر كله تجاوبها وتبقى معاك الكراسه دي تذاكر منها وهاتعمل فيها جداول لكن ماينفعش نضرب كتاب القسم ..

خلينا نبدأ ان شاء الله عندنا أول شابتر **introduction** وهي كلمه خداعه اول ماتسمعها تقول بس كبر دماغك ياعم بينما هي مليونه اسئله .. تعالوا كده نشوف ف ال introduction بتقولك ايه ف ال paragraph ...

احب ابدأ بال micro organism اللي هنشوف اساميه دلوقتي in general تمتاز انها uni cellular

طيب uni يعني وحيد و cellular يعني خليه فهي وحيده الخليه .. الكلمه دي ف حد ذاتها اعجاز حد قدر يستطعم الاعجاز ده؟

اعجاز الخلق انت درست فسيولوجي على مدار سنتين واخذت ان البني ادم عباره عن different systems وكل system عباره عن different organs وكل organ عباره عن different tissues وكل tissue عباره عن different cells وكل cells بت organize بحيث أنهم يأدو function معينه ولما خلايا تموت او يحصلها injury تلاقي mechanism of repair or regeneration هتأخدوها ف الباثولوجي بالتفصيل السنه دي ان شاء الله.

ال regeneration ده يبقى سبحان الله يعني انا أعمل كذا ايدي حصلها Abrasion تتكحت يموت فيها مش أقل من ميه خليه تلاقيهم ثاني يوم خفت ليه عشان حصل ...regeneration طب لما تبقى البكتيريا عباره عن خلايا بردوا تخيل لو البكتيريا رايح اولع النور وحصلها كده بردوا مين يرجعها تخيل انت كل مجموعه خلايا بتعمل وظيفه تخيل بقي تبقى خليه واحده بتعمل كل الوظائف شفتوا الاعجاز والابداع ف الخلق.

أقول ليكم 8 اسماء ل different groups of micro organism:

ال-algae اللي هي الطحالب.

ال- protozoa اللي هي الأولويات.

VISIT...

LANZAROTE
Caliente.COM

ال-slime moulds اللي هي فطريات العفن.

ال-fungi اللي هي الفطريات الحقيقيه. الي ليها علاقه بالبنى آدمين و بتعمل امراض.

ال-Bacteria اللي انتوا عارفينها البكتيريا.

ال-archaeobacteria اللي هي بكتيريا ال archaea يعني قدم او أولي تعيش تحت الأرض وليها ظروف زي انها بتعيش في حراره عاليه أوي وبتطلع غازات زي البنزين وحاجات زي كده هي دي اللي بتصنع البترول مالهاش medical importance.

وال-viruses وال-prions .

8**كائنات طبعا لما تقعد ندرس 8 مجموعات العمليه هتطول معنا فالعلماء حاولوا يقسموهم الى categories الى مجموعات فخطوهم ف2groups زي مانتوا شايفين كده:

-Eukaryotic organism.

-Prokaryotic organism.

والطب بياخد اسمائه وتعريفاته من اليونان واللاتيني طبعا كلكوا عارفين كدا فنرجع اصل الكلمه فنفهم معناها

Eu معناها true و karyotes يعني nucleus فتبقى eukaryotics يعني حقيقيات النواه... وال pro يعني primitive او بدائي يعني كائنات معندهاش نواه حقيقيه عندها شبيهه بالنواه.

طيب يبقى مين ال-eukaryotic organism من ال 8 دول :

Algae, fungi, protozoa& slime moulds.

طيب ومين ال prokaryotic اللي هم ال-bacteria and archae bacteria...
حلو الكلام لحد كده؟

طيب فيه مجموعتين لحد دلوقتي مش ظهوروا ف التقسيمه بتاعتنا دي هم ال viruses& prions لان دول مش cells اصلا اصل ال pro يعني نواه بدائيه وال eu معناها نواه حقيقيه بس ايه اللي يجمع بينهم انهم true cells لكن ال viruses معندوش cellular structure هنوصفه حالا... فيبقى a cellular agent وال prions كذلك... فيبقى كذلك مينفعش احطهم ف ال pro or eu صح؟

نرجع للصورتين اللي فاتوا مش هيعيده طبعا لكن احنا دايما بنعيد الصور اللي توضح الشرح.

الخلية اللي فوق دي اسمها eukaryotic cells او وصفها كده يعني خليه عندها نواه حقيقيه فين النواه.. ايه كل اللون الازرق اللي قدامك ده واياه ال boundaries بتاعه النواه... هي ال nuclear membrane.

طب ايه عندها بالمره عشان لو حبينا نقارن بين الخليتين دول.. عندها mitochondria, endoplasmic reticulum and membrane bound organelles يعني components محاطه ب membrane.

...اومال الخليه دي زي الخليه البكتيرييه فين النواه هنا.. مفيش... اومال ايه الخط المدور ده؟
..ده single cromosomes اللي فيه suspended in cytoplasm لا يحاط ب
nuclear membrane... طب فيه mitochondria ؟... طب فيه membrane
bound organelles ؟... لا مفيش.

فعضان كده هنقارن بين ال eu and pro .. تعالى كده نقارن من حيث ال **define** .. هو انا ممكن حد يسألني ف ال **define** ؟ ايوه وخصوصا ف نص السنه فيه سؤال اسمه **define** ممكن يقولك **define prokaryotic** .. يعني organism which has no nucleus عنده **primitive nucleus** طب عايز استبدل الاسم ده فهستخدم مكانه ال **nucleoid** ايه المقطع **oid** يعني شبه يعني عنده حاجه شبه ال **nucleus** اللي هي عباره عن **single chromosomes and suspended in cytoplasm**.

مش كل المجموعات هندرسهم ليه اصل ال **algae** مالهاش **medical importance** وال **protozoa** هندرسها ف البارا وال **slime moulds** بردوا بكتيريا بتعمل عفن الخبر لو لقيت اكل معفن تبقى هي وبردوا مالهاش **clinical importance** .. وال **archae** **bacteria** عايشه ف التربه وقاع ومالهاش لازمه طب هندرس ايه هندرس **fungi, bacteria & viruses**.

طب مانيجي ناخد مثال للي هندرسه مثال لل **pro** وهي ال **bacteria** ومثال لل **eu** اللي هي **fungus** .. طيب وال **viruses** مش ده ولا ده خلي بالك ايه رأيك ف ال **size** كل ماكانت الخليه **primitive** كل ماكانت اصغر او **relatively smaller** وال **eu** هتبقى **larger** ... ايه اللي عليها الدور ف المقارنه؟ ... هي ال **unicellular** هتبقى **eu** طيب ال **eu** هتبقى **uni or multi cellular** يعني ال **fungus** ممكن تبقى **multi** وممكن **uni** طب ليه بنكتب **multi** اصل انا هنا بقارن بين ال **eu and pro** بشكل عام. طب ماهو البني آدم **eu** والحيوان **eu** والنبات **eu** فالكائنات ال **eu** ممكن تكون **multi cellular** طب وال **nuclear membrane** لا يوجد **active group** لانه جزء على ال **eu**. طب ال **membrane bound organelles** موجوده ف ال **eu** لكن ال **pro** لا. طب **what about development** ؟ مين الخلايا اللي **more developed** هي ال **eu** طبعا وتبقى ال **pro** دي **less developed**.

طب هستلف من الشابتز الجاي النقطه دي... **what about cell membrane** **surrounded the cell** ؟

ف ال **pro** هنلاقيها **is devoid of steroids** لكن ف ال **eu** عندهم **steroids**. ولو عاوز تعرف ليه من دلوقتي ده اعجاز ف الخلق. البكتيريا عندها حاجه اسمها **cell wall** هنشوفه حالا ف ال **structure** لكن ال **fungi** معندوش **cell wall** فيبقى افضل انها تبقى ف

ال cytoplasmic membrane ولكن ف ال bacteria فيه cell wall يحمي
ال cytoplasmic membrane.

فال cytoplasmic membrane في ال bacteria لازم يبقى جامد وال wall يحميه.

لكن ال fungus هتلاقي cell membrane بس. طب وهنا لما يبقى في طبقه من ال cell membrane يبقى delicate براحتة فالطبقه دي هي اللي هتحمي ال organelles لازم يكون فيها Staple عشان يحمي ال organelles. Staple هي حاجه بتخلي ال membrane جامد, Rigid.

طيب وال **ribosomes** كثافته ف ال bacteria تكون 70 s وف ال fungus or eu هتكون 80 s.... حد هيسأل يعني ايه s صح؟... خدتوا ف البايو s دي وحده الكثافه بتكون الحرف الاول من اسم العالم اللي ألفها.... ده عمل ايه... جاب خليه بتاعه بني آدم كسر ها وحطها ف tube وحط عليها Sucrose او Caesium Chloride وعمل ultra centrifugation or high stage centrifugation. فلاقى ال different components بتوع الخليه بيتفصلوا ل Different Bands.

راح مقسم الانبويه بتاعته من راح مقسم الانبويه بتاعته من zero لحد 100 زي المسطره وشاف كل Band مفصوله عند انه في درجه.

لقى ال ribosomes بتاعت البني ادمين بيتفصل عند 80 انا بس عايز احط unit فاختر اول حرف من اسمه ف ال ribosome البني ادم كثافته 80 s.

عند ال bacteria لما جه يعمل التجربه دي لقي ان ال ribosomes بيتفصل 70s يعني كثافته مختلفه عن كثافتها ف البني ادمين... لقي ال subunits واحده 50 وواحد 30 هي مش جمع جبري $80 = 50 + 30$ مش مجرد مجموع الاتنين دي واحده كثافتها تختلف عن الجمع الجبري العادي, انما بنقول $50 + 30$ يدنا 70s.. ايه أهميه الارقام دي:

ال ribosomes هو مكان تصنيع البروتين تعالى تخيل معايا المثال ده... القلم الماركر ده بيمثل البكتيريا دخلت جوه الجسم وعملت infection فأنا عاوز اعالجك عايز اموت البكتيريا دي من غير مايكون فيه تأثير على ال tissues والانسجه ففي ناس فكروا قالك طب ماتيجي نموت البكتيريا.. نضرب target عندها يختلف عنه ف البني ادمين فراحوا جايبين antibiotic مضاد حيوي اشتغل على ال ribosomes بتاعت البكتيريا مش البني ادمين وبيمنع ال protein synthesis ومش بتاعت البني ادمين... هيعمل ايه هيروح يدور على ال **70 s ribosomes** هيخش الخلايا ال 70s ويسيب الخلايا 80s... ساعتها يقتل البكتيريا بتاعت ال 70s ribosomes كده يبقى البكتيريا ماتت وانا عيشت صح ولا لا.

إذا ال **ribosomes** ده اختلافه ايه اختلاف رحمه . ال ribosomes بتاع البكتيريا
ال 70s اسمه ايه **a selective target for antibiotic action**.

عشان ال antibiotic ممكن يأتّر على ال ribosomes بتاع البكتيريا من غير ما يأتّر على ال ribosomes بتاع البني ادم.

*آخر item ف المقارنه: ال Replication.

البكتريا بتتكاثر بانقسام ثنائي بسيط اسمه simple time division. بينما الكائنات الاعلى ف الرتبه يعني بتتنقسم بعضها يعني انقسام ثنائي وبعضها asexual وبعضها sexual ممكن يجي السؤال compare اه طبعا وممكن يجي mention subject .

طب تيجي نروح لل viruses بقى اللي هي لا ده ولا ده مين الفيروسات دي اقسما لكم كدا simply. ال viruses ياو لاد عبارته عن nucleic acids surrounded by protein Coat تخيل ولا cytoplasm ولا ribosomes ايه ده يعني الفيرس معندوش cell structure ...ايوه تسمعوا عن فيروسات الايدز وال C&B فيروسات خطيره جدا ولما هو معندوش cell structure اومال يتعايش ازاي... بيخش جوه الكائن الحي ويدخل جوه الخليه وبعدين يعمل زي Gentleman و يقلع الجاكت ويشغل ال nucleic acid بتاعته ونقول للخلية بصي ال nucleic acid اه.. تقوم الخليه العبيطه تفتكر ال nucleic acid ده من واحد من اللي جواها ماهي الخلايا مليانه DNA و RNA تقوم تعمله كثير منه يقوم بعمل replication ويعمل على مصنع الخلايا وهو عشان كده لازم يعيش جوه خلايا حيه يعتبر obligatory intracellular parazoid لكن زي ماسيادتك شايف ماعندوش cell structure وحجمه صغير جدا كانو زمان بيقلوا عليه اصغر كائن لكن دلوقتي اكتشفوا ال Prion الي هو اصغر منه هنتكلم عنه بعدين.

يبقى الفيرس عليه اربع جمل ممكن يجي عليهم سؤال او mcq الفيرس بيمتاز بكل الأتي ماعدا هقولك جمله غلط ف اللي جابيين:

- 1- يعتبر واحد من ال smallest infection tissues (صح).
- 2- الفيرس معمول من nucleic acid and protein core (صح).
- 3- a cellular يعني ماعندوش cell structure (صح).
- 4- obligatory intracellular parazoid الجملة دي صح ومهمه اوي
- 5- لازم يعيش جوا كائن حي
- 6- يعتمد على ال Host machinery عشان ي Divide و Replicate و ي Propagate. (نعم)
- 7- يعتبر من أشهر ال prokaryotic (لا). لا يعتبر pro ولا eu ولا unicellular ولا multicellular.

وده يخلينا نقول ان الفيروس a cellular.

شفت أسألنا بسيطه لكنها عميقه . تخيل ان في كائن أصغر من الفيروس اه شبه الفيروس اسمه viroid: وده cellular single-stranded RNA من غير بروتين. جزء من الفيروس عشان كده شبيه به: viroid.

اخذنا oid انهارد: nucleoid and viroid.

يعمل أيه ال viroid ده بيعمل disease لكن الحمد لله للنباتات بس ومش هندرسه عشان مالهوش medical importance طيب وكمان حاجه اصغر من الفيروس اسمه prion.

اللي خلت الفيروس بعد اما اتصف اصغر كائن بقا من اصغر الكائنات. كلما تدرس كائن صغير ما يزيد أيمان وتحس الأعجاز ف الخلق بص كذا تخيل انه ممكن يكون فيه protein من غير nucleic acid ويعمل infection وبيبقى تعريفه infectious protein عمركم شوفتوا بروتين بيعدي ده احنا بناكل بروتين ونتعامل مع بروتين مفروض أنها آمنه بيعمل disease للبنى ادمين والحيوانات عكس ال viroid اللي بيسبب mad cow disease المرض بتاع جنون البقر السبب فيه prions.

ازاي ال protein بيعمل infection هناخداه ف ال virology في اخر volume III حاجه اعجاز ف الخلق سلحان الله عشان تعرف قدره ربنا انه ممكن يعملك البروتين اللي بيعمل infection ويخلي ال CNS بتاعتك زي السفنج .

كدا خلصنا الشابتر الاولاني الحمد لله

بسم الله الرحمن الرحيم

أول Paragraph للقراءة فقط اللي هو بيقول لك اسم العالم Leeuwenhoek و سنة مش عارف 1674 تم اكتشاف البكتيريا يعنى دى معلومات عامة لطيفة لمسابقة من سيربح البونبون.

تعالوا نخش على ال bacterial morphology يعنى ايه morphology؟ لا صحصحو معايا ... يعنى ايه morphology؟ شكل ... طب ايه الفرق بين الشكل و ال shape بين ال shape و ال morphology؟ علميا ال shape جزء من ال morphology ال morphology هو الهيئة ... ال morphology مش الشكل بس ال morphology هو الهيئة ... يعنى بأوصف مثلا واحد فبأوصف طويل قصير تخين رفيع أبيض و لا أسمر بشعر مش عارف ايه ... دى اسمها هيئته ال morphology الكامل لكن ملامح الوجه أو الشكل ده اسمه ال shape ال morphology فى البكتيريا يتكون من 5 حاجات ... هنا فى الكتاب النظرى تعرضنا لأربعة منهم و فى العمل حنضيف factor خامس ... خمس حاجات هم بص امشى معايا كده واحده واحده:

1-Size ثم 2-shape ثم 3-arrangement ثم 4-staining
 characteristics الحاجة الخامسة الى مش مكتوبه هنا ... فى العملى هى 5-
 motility يعنى ممكن من هيئة واحد اقول بيمشى كويس عنده تكة عنده طريقة فى
 المشى معينة immotility يعنى مايمشيش ... فال motility فى البكتيريا تفرق
 معايا ممكن أميز بكتيريا عن بكتيريا بمجرد ال motility و عندنا فعلا مثال
 واضح فى المنهج لما نوصل تفاصيل كل ال # حنقوله ان شاء الله
 نبدأ بال size مش عايزينك تحفظ الأرقام دى لازم تبقى عارف أن حجم البكتيريا
 very small in size يقاس حجمها بال micron micron هو ال micrometer
 الى هو واحد على ألف من المللى يقاس حجم البكتيريا بال micron بس كفايه
 الكتاب حيقول لك عرضها من 0.2 ل 1.2 طولها من 0.4 ل 14 مش دى الأرقام الى
 تهنا حاجة variable اعرف أنها بال micron و بس.
 أما عن ال shape فالبكتيريا تقع فى 3 أشكال أساسية اذا كانت spherical يبقى
 اسمها Cocci يعنى باللغة العربية البكتيريا الكروية الى عاملة زى الكورة يعنى
 شكل البكتيريا كورة كده spherical bacteria والمفرد من Coccus Cocci مهمة
 أوى العريفات دى حنستعملها فى المنهج كتير.
 و قد تكون البكتيريا rod shaped يعنى عصوية و تسمى bacilli و المفرد منها
 bacillus
 و قد تكون spiral أو helical يعنى حلزونية و هنا ال helical قد يكون ثابت فى
 الشكل يعنى جامد نقول عليها rigid أو helical و flexible مرن متحرك.
 الى حييى rigid عامل زى الخطاف الحديد الى بيعلقوا عليه الدبiche ده عند
 الجزار حاجة ثابتة كده حديد ثابت شكله helical و ثابت يقولوا عليه spirillum
 لكن لو كان زى الورقة الأى كلام spiral ممكن تتنيه و تفرده أو زى الدودة الى
 بتتنى و تتفرد يبقى اسمه spirochaetes أسماء حتعدى علينا فى المنهج فلازم
 تعرفها من الأول كويس يبقى ادى ال shape واحد يقول لى لأ ده فى ال shape أنا
 لسه شايف حاجات تانى أهو أقول لك شاطر short (thick) rods نقول عليها
 coccobacilli و curved rods نقول عليها vibrios اه دى بقى متفرعات أنا
 عندى 3 أشكال رئيسية الشكل ال rod shaped ده لو اتعوج بقى curved يبقى اسمه
 vibrios ده مثال واحد فى المنهج حيعدى علينا متشغلش نفسك بيه دلوقتى لو
 ال bacillus قصر أوى و تخن بقى قريب من ال coccus شوية يدلعوه بقى و يسموه
 coccobacilli هو bacillus بس قصير و فيه أشكال بقى يعنى لو ال bacillus
 طول يبقى filamentous و لو طله منه branches يبقى branched اذن هناك
 تفرعات من الأشكال الأساسية بس الى أنا عايزك تعرفه هو الأشكال الأساسية ايه 3
 cocci ,bacilli & spiral

تعالا بقى لل arrangement تعالا ناخذ مثال زى cocci يعنى coccus ممكن
يبنى arranged single زى ما أنت شايف كده ممكن يبنى 2 جنب بعض و ممكن
يبنى chain جنب بعض و ممكن يبنى cluster زى عنقود العنب طيب احنا
عندنا expressions كده مسميات لو 2 يعنى double بالانجليزى يعنى diplo
باللاتينى diplococcus يعنى cocci arranged in pairs حتلاقى الكتاب كاتبتلك
مثال يقول لك Neisseria example متحفطش المثال دلوقتى أنت غير مطالب
متحفطش أمثلة بكتيريا لحد ما نبقى ناخذ البكتيريا بالتفصيل فناس بقى تقول لك احفظ
و لما ناخذ البكتيريا تبقى عرفت صفة من صفاتها أيا كان أنا مش عاوز أثقل عليك
فمثلا ال diplococci المثال بكتيريا اسمها neisseria طالما أنت مش عارف
ال neisseria دلوقتى متحفطش الكلمة
طب chain يعنى سبحة يعنى strept باللاتينى أو بالاغريقى نقول عليها البكتيريا
السبحية streptococci ده غير أنه اسم بكتيريا ده وصف فنهحفطه strept يعنى
chain يعنى سبحة cocci يعنى coccus فال streptococci يعنى البكتيريا
السبحية طب و اللى عاملة زى عنقود العنب دى عنقود باليونانى يعنى staphyl أو
staph staphylococcus يعنى بكتيريا عنقودية تسمعوها عنها كثير البكتيريا
العنقودية الكروية اللى عاملة زى الكور دى ده برضو اسم عيلة صحيح بس برضو
وصف نحفظه staphylococcus يعنى بكتيريا عنقودية streptococcus يعنى
بكتيريا سبحية diplococcus يعنى اتنينيات و مش لازم تحفظ الأمثلة حاسألكوا
سؤال تفكر ايه اللى يخلو البكتيريا تبقى اتنينيات أو chain طبعا أنا عارف أن
الأصل فى ال shape الوحدة يعنى البكتيريا دى و هى واحد كده ايه اللى يخليها تبقى
2 يعنى 2 arranged أو chain أو clusters السبب الانقسام ال cell division
فى حاجتين أثناء ال cell division حاجة حنقولها دلوقتى و حاجة جاية فى
ال chapter التالت حاجتين يخلوا البكتيريا تبقى pair أو chain
Plane of cell division-1 ازاى؟ لو دى بكتيريايا و جه معاد ال cell division
فراحت عامله septum بالطول فى النص و اتقسمت بس فضلوا 2 لازقين فى بعض
ما هم حبانوا أن هم pairs صح و لا غلط؟ طيب لو انفصلوا قبل ماييجى معاد
ال generation اللى جاى حيرجوا يمسكوا طب و كل واحدة cell لما تيجى تنقسم
حتبان أنها pairs صح يبنى plain of cell division و معاد ال generation
time بتاعها حاشوفهم باستمراريه يا single يا اتنينيات مش كده
طيب مثال تانى بكتيريايا اتقسمت بقت 2 و لسه بدرى على معاد ال cell division و
حيثفصلوا و حيثفصلوا ي single ي 2 صح؟ لكن لو بي divide بسرعة قبل ما
ينفصل حتلاقى فيه 2 كمان و ادى 2 لسه قبل ما ينفصلوا يعنى ال generation
time بتاعهم سريع طب و ليه مابقوش قد بعض عشان دايميا بي divide فى

single plane يعنى دائما بي divide vertically فلو البكتيريا بت divide فى single plane و ال generation time بتاعها قليل حشوفها chain صح فهمتها طب لو البكتيريا بت divide in more than one plane يعنى النهاردة حشوفها كده بت divide vertically بقت 2 جنب بعض و لما بقوا 2 جنب بعض جه معاد ال division حشوفها المرة دى بالعرض حبيقوا 2 تحت بعض و بعدين بزوايه يقوموا يعملوا cluster اذن ال generation time و ده حنדרسه فى الشابتير التالت حيفرق بين البكتيريا تنفصل و لا تفضل ملمومة لفترة سيبك من ده دلوقتى ال plane of cell division حيدد البكتيريا حبيقوا دائما جنب بعض و لا حبيقوا cluster لو البكتيريا بي divide فى single plane يعنى بالطول بس حبيقوا دائما pair يا chain لكن لو بي divide فى more than one plane حبيقوا cluster تعالوا نشوف الصورة دى بص كده انقسمت بقت 2 طيب لو بي separate بسرعة يرجعوا بيقوا واحد تانى طب لو بي divide يطلع بيقوا اتنين صح؟ لو بي separate بسرعة حشوفهم يا واحدة يا 2 مش كده طيب دى ب divide فى نفس ال plane ب septum vertical دائما و ال generation time بتاعهم طويل يبقى مرة هي divide و الاتنين جنب بعض و بعدين كل واحد هت divide حبيبتوا يترصوا جنب بعض يدبك chain طب و دى على فكرة لو حصلت فى 2 planes بس ممكن تتركب بالعرض بس مش علينا ف المنهج . بص المثال ده تخيل 2 تحت بعض كده و بعدين بالعرض بقوا 2 جنب بعض و بعدين بالورب ... ال plane of cell division + generation time هم دول ال 2 factors اللى حيايدوا الى ال different bacterial arrangement .

تمام حد مش فاهم حاجة أقولها تانى؟ بصوا يا ولا أقولها الكوا ازاى لو أنا متعود دائما البرتقالة لما أقطعها نصين بالطول كده حبيقوا نصين جنب بعض طب لما باقطع مرة بالطول و مرة بالعرض بقوا جزئين جنب بعض و جزئين تحتهم لو تخيلت ان ممكن اقطع كمان بالورب بقوا كتير جنب بعض فلو تخيلنا أن البكتيريا تنقطع vertically بس حتلاقىها مرصوصة دائما جنب بعض يعنى بكتيريايا أهه بقت نصين جنب بعض و بعدين أقطع جنب بعض طالما باقطع بالسكينة بالطول بس مش مسموحلى أقطع بالعرض ده اسمه خط انقسام plane of cell division البكتيريا دى لا تملك الا خط انقسام واحد دائما تنقسم vertically كده يبقى لما تنقسم كده حينتج خلايا جنب بعض بس فالخلايا اللى جنب بعض لما ينقسموا بسرعة حبيقوا دائما single أو pair لو يفضلوا attached فترة طويلة حبيقوا chain طب لو مرة تقطع بالطول و المرة اللى بعديها تقطع بالعرض و المرة اللى بعديها تقطع بالورب يعنى فيه أكثر من plane البكتيريا حرة divide زى ما هي عايزة يبقى

هيبقا في باكتيريا جنب بعض و باكتيرا تحت بعض و باكتيرا فوق بعض.. حيديني cluster

حنروح لنقطة ايزكوا تصحصحوا فيها اوى عشان زملائكوا بتوع الصبح كان ليهم تساؤلات فيها كتيرة اوى الي هي Staining characters. اه فيه بس ملحوظة مهمة اوى الي ف برواز يمكن الكتاب مش قايلها الي درسناه لحد دلوقتي ف ال morphology اللي هو ال size, shape, arrangement بيكونوا ثابتين للعيلة الواحدة من البكتيريا يعنى العيلة اللي اسمها staphylococci حجمها ثابت و غالبا cocci و arranged in clusters مينفعش تبقى arranged in chain لو غيرت رأيها تبقى عيلة تانية مينفعش تبقى bacilli يعنى لو البكتيريا النهاردة cocci و بكرة تبقى bacilli دى تبقى مصيبة عارفين مصيبة فى ايه ؟ مش حاعرف أشخصها يعنى لو تخيلت أن البكتيريا اللي شكلها كده اللي اسمها staphylococcus دى عملت infection لشخص لو اخذ منك sample و لقبت بكتيريا بالشكل ده حاعرف أن ال staphylococci هي اللي عاملالك infection صح طب لو كانت بتغير شكلها لما اخذ منك ال sample حلاقى شكل تانى اقوم اعرفها ازاي يعنى اعرف ال staphylococci المتكررة ازاي يعنى اذن الشكل ال size, shape & arrangement ثابتين للعيلة الواحدة لل genus الواحدة من البكتيريا

طيب حنروح لل staining character و أرجو أنك تركز معايا و حقولها بالراحة وحاسبيكوا تسألوا براحتكوا

ال staining character بصوا كده عندي نوعين من ال stains فى المعمل نوع اسمه simple stain و نوع اسمه differential stain simple stain من اسمه كده يعنى باستخدام صبغة واحدة فى خطوة واحدة تقوم تدينى نفس اللون طالما باصبع الأشياء كلها بنفس الصبغة حتدينى نفس اللون أقوم اقدر اميز حاجة واحدة اميز ال morphology بالعقل صح مش فاهم يعنى جبت بكتيريا و قمت صابغها بصبغة اسمها methylene blue فى خطوة واحدة جبت methylene blue صبغة واحدة قمت حاططها على البكتيريا فى خطوة واحدة فاتصبغت باللون الازرق أنا عايز ال morphology اللي هو ال size, shape و انها single. حنلاقوا كلمة simple متكررة كذا مرة دى برضوا مش فى الكتاب احنا عمنالكوا كده عشان تحفظ simple قصاها كلمة single dye single أو stain.... صبغة تستخدم فى single step تقوم تبين لك single character زى ال morphology مثلا

أومال differential stain يعنى ايه؟ استخدم هنا بقى رقم 2 different stains أكيد حاتستخدم كل stain فى step بيقى 2 different steps

أقوم أشوف 2 different characters ال morphology و ال reaction بتاع
ال organism لأى صبغة من ال 2 طبعا من حقتك أنك متبقاش فاهم اللي أنا قلته ده
حاخد مثال و برضو رقم 2 أن فيه صبغتين مثالين شهيرين ال gram & Zeil
Neelsen احفظ بقى رقم 2

dyes 2

2 main steps

2 characters زى ال morphology & staining reaction

و عندي مثالين صبغتين ال gram & zeil neelsen
و أنا باشرحلك صبغة ال gram دلوقتى حتفهم ايه اللي كان مقصود من القصة
فيه عالم اسمه gram يعنى جرام دى مش وحدة وزن اللي أنت عارفها الأستاذ
Gram جاب 2 different bacteria أنا حافتراض من الأول أن أنا عارفهم cocci
& bacilli بكتريتين مختلفتين شكلا و موضوعا و راح صابغهم بصبغة اسمها
methyl violet أنتوا حتعملوا الكلام ده بايديكوا و تشوفه بعنيكوا الحصة الجاية ان
شاء الله نخط من الكلام ده نص دقيقة يعنى من نص الى واحد minute بصوا يا
ولاد حاجيب slide و أحط عليه بكتيريا من النوع cocci اللي قلنا عليه و
و أحط عليها بكتيريا من نوع bacilli مثلا و أروح حاطط الصبغة اللي اسمها
methyl violet لمدة نص دقيقة الى دقيقة و بعد كده أقوم عامل # (min 17:03)
عند هذا الحد الصبغة دى تعتبر simple stain استخدمت صبغة واحدة ليها لون
واحد صبغت أى حاجة بنفس اللون فهى simple stain صح Gram ده بقى كان
بيلعب فكر فى ايه قال لك ماتيجى أشيل اللون أنتوا عارفين فيه مزيل للألوان زى
مثلا ال acetone يشيل الاكلادور فراح حاطط ال acetone أو احنا علميا بنحط
أفضل ال ethyl alcohol المركز اللي هو 95% قام لاحظ ملاحظة غريبة أوى فى
بمتيريا فضلت محتفظة بلونها ال violet و مفرقش معاها ال acetone و لا
ال alcohol و فيه بكتيريا فقدت اللون تماما راح الخطوة اللي بعد كده جايب صبغة
أخرى مختلفة هن الأولى ف اللون حاقول لك اسمها دلوقتى عشان حتاخده الأسبوع
الجاي فى العمل اسمها diluted carbol fuchsin فى ناس بينطقوها فوشين و
ناس بينطقوها فوكسين و اللي بينطقوها فوكسين الأغلبية خليك مع الأغلبية سيبك
منى أنا أنا بس بانطقها لك فوشين عشان تعرف لونها فوشيا ففى ناس عندنا فى القسم
بينطقوها فوكسين فاذا كنت فى روما فاعمل زى ما أهل روما بيعملوا ال organism
الى كان لونه violet فضل violet طب ال organism اللي كان فقد اللون خد
اللون الجديد فبقى فوشيا
معلىش أنا بادی مثال ب cocci و bacilli عشان هما different arrangement

بس اوعى تفتكر أن دايمًا ال cocci violet و ال bacilli فوشيا لأ فيه كده و فيه كده
 تعالًا بس نقول يعنى ايه differential هل فيه صبغة واحدة من مجموع الخطوات
 دى فى صبغة واحدة اسمها differential لأ يعنى بينفع تروح للراجل بتاع الصبغة
 تقول له با عم يا بتاع الصبغة ادينى صبغة differential حيضحك عليك يقول لك
 يعنى ايه مفيش حاجة اسمها صبغة واحدة تصبغها ده بلون و ده بلون أو مال يبقى
 differential المقصود بيها ايه فهمت بقى البرواز ده كان بيقول ايه ؟ باستخدام 2
 different dyes or stains باستخدام صبغتين مختلفتين اللون بينهما
 decolorizing agent يبقى عندى احتماليين يا ال organism يكتسب اللون
 الأولانى و يقاوم خد بالك من التعبيرات دى ي resist the decolorization و
 يظهر باللون الأولانى اللى هو ال violet يا ال organism يحصله
 decolorization و يظهر باللون التانى اللى هو ال pink أو الفوشيا صح و
 لا غلط الأستاذ Gram عمل الخطوات دى خطوات ثابتة وسمى الخطوات دى
 باسمه Gram's stain يبقى Gram's stain تعتبر differential staining
 procedure مفيش حاجة اسمها differential stain كده على الاطلاق
 ال differential stain أنا قاصد بيها طريقة للـ stain

differential staining procedure.... تبقى عبارة عن 2 different stains
 بينهما decolorizing agent يبقى ال organism عنده فرصة من 2 يظهر
 من الأولانيين و ي resist the decolorization و يحتفظ باللون الأولانى يا اما
 حايقد اللون الأولانى و يظهر باللون التانى سهل لأ مش سهلة تعالوا نشوف
 الاسم الراجل سمي الكلام ده ايه يعنى أما اجي أوصف أقول ايه أقول ال organism
 الي اس الأولانى و خد اللون التانى و.. حانقعد نقول كده حكايات لأ راح ماسك
 القصة الأولى دى و حول كده يعنى ايه يشوف حيسى ايه ده على مستوى البنى
 ادمين كأنه organism رجلي يعنى ايه رجلي يعنى بيقول اه و لأ مش الانسان لما
 يبقى صاحب كلمته يبقى رجلي لما يبقى من حقاك تقول ده اه و ده لأ يبقى رجلي
 أهو بص كده تاخد violet قالك اخد violet طب نشيل ال violet قالك لأ أنا عاجبنى
 ال violet طب تاخد فوشيا قالك لأ أنا احتفظت بالـ violet بيقول اه و بيقول لأ
 صاحب قرار يبقى ايه يبقى positive راح مسميه gram positive organism
 لكن لما يكون شخص سلبي تجيبه كده ييجي تجيبه كده ييجي امعه يعنى يعنى
 تاخد violet اه اخد violet هو فيه أحلى من ال violet طب نشيل ال violet اه
 نشيل ال violet ال violet سخي و رخم طب تاخد فوشيا اخد فوشيا هو فيه أحلى
 من الفوشيا و لو شلت الفوشيا حيشيل الفوشيا يعنى معاهم عليهم عليهم ده
 انسان سلبي صح يروح مسجل ده negative الكلام ه مهم جدا فى العمل حتشوفه

بعينك و بعضكوا حيعملوا بايدو لو حبيته و عندنا slides اللى عايز يصبغ يتفضل يصبغ تصبغ و تنشف و تشوف عمائل اديك الorganism ده positive و لا negative و هل زودت ال alcohol و لا شربت ال alcohol الراجل سمى كده ليه لأن بالشكل ده أقدر اقسام البكتيريا اللى فى الدنيا كلها الى gram positive & gram negative بس و دى احدى الصفات الثابتة طبعاً حتسأل ليه البكتيريا بتعمل كده عشان تركيبها الcell wall هو اللى بيحدد تاخذ ايه و تفقد ايه الpores المسام يتاعت البكتيريا و سع المسام حيقر لى حتاخذ ايه و تسبب ايه حاجات حناخدها فى الstructure جاية حالا بس أنتوا بعضكوا كنت دايماً أما اقول لكم حاجة كده مابتخوهاش كده زى ما هى بتحاولوا تضيفوا.. تحطوا بصمتكوا يعنى زى ما بيقولوا صح فبعضكوا حيسألنى يقول لى طب ليه ماكتفاش بخطوته , يعنى كان يبدأ violet و بعدين حط alcohol و بعدين بص عليها # (23:24 min) لو لقاها violet تبقى وصلت لو مالفهاش بيقى مش حاشوفها فكده مش مصبوغة ماتباناش و لو مالفهاش تبقى gram negative صح و لا غلط لأ غلط ممكن أصلاً الsample مايكونش فيها غير كده فلما تبص على الslide ماتلاقش فيها بكتيريا ايش عرفك انها gram negative أو مفيش بكتيريا من أصله فده بصيت بعد الخطوة الأولى فأنت مش بتبص بعد كل خطوة ليه ؟ لأن لو سمعت الخطوة الأولى عشان تبص فى الميكروسكوب لازم تنشف الslide و تحط زيت عشان احنا بنتفرج بعدسة اسمها عدسة زيتية زى ما أول سيكشن ما حيشرحولك فلو حطيت زيت ماينفعش بعد كده أحطلها أى stain اخر خلاص هل يختلط الزيت بالماء لا يختلط بالماء بيقى ماينفعش بعد مانحط زيت نرجع نحط صبغات تانية بقى فيه زميل الصبح سألنى سؤال جميل أوى قال لى ينفع أبداً بالفوشيا و بعدين أنهى بال violet ايه رأيكوا مين يجاوب ينفع و لا ماينفعش ؟ ما احنا لو اتفقنا كل واحد بمزاجه أعرف انت بدأت بانى لون ازاي أعرف أنت ماشية بمزاجك و لا بمزاج gram ازاي فاحنا لازم نثبت مش أى شغل لينا لازم بيقى standardized فاتفقنا ان دى اسمها gram فيوم ماجى أقول لك أنا صبغت بال gram بيقى لما تلاقى violet تعرف أنها positive بيقى مش من حقك تعكس لو عكسنا بيقى حاجة تانية يا جماعة احنا شغلنا ماينفعش كل واحد يشتغل على مزاجه يعنى طب ما أنا ممكن أحط methylene blue الأول و لو احتفظت باللون الأزرق تبقى positive بيقى كده كل واحد شغل بدماعه و لا ايه لازم بيقى فيع standardization فى الشغل بيقى الراجل اللى اسمه gram عمل كده بيقى لو عايز تصبغ بالصبغة اسمها ال gram تصبغ بالخطوات دى عايز تألف نسميها باسمك نسميها باسم تانى مش كده و لا ايه كل البكتيريا يا gram positive يا gram negative يا مابتتصبغش بال gram من أصله ايه ده هى ممكن ماتتصبغش بال gram هى أمثلة بسيطة جداً بعض البكتيريا

عندها high lipid content حاجة كده ماده دهنية عاملة زى الشمع تخلي الstain العادية دى ماتخوشش التلامذة بقى اللي هم zeil & neelsen عملوا modification بس خلاص طالما عملوا modification ماقدرش أسميها gram سموها باسمهم عملوا ايه ... قال لك الoragnism اللي ماييتصبغش بسهولة ده أحطلوا carbol fuchsin مركز و أسخنه و أسيب الصبغة فترة طويلة 5 أو 10 دقائق بدل نص دقيقة و اسمى الصبغة باسمى و الorganism اللي يحتفظ باللون الأولنى أسميه اسم و اللي يفقد اللون الأولانى أسميه اسم تانى مش حنقول بقى gram positive & negative حنبقى نعرفك سمينها ايه قدام شوية عشان ماشغلش اذن برضو zeil & neelsen دول تلامذة الأستاذ gram مشيوا على نفس المبادئ بتاعتو نط صبغة و بعدين decolorizing agent وبعدين صبغة مختلفة تيجى نطلع ب conclusion سيبك من gram و zeil و neelsen ده يعنى ايه differential stain يعنى باستخدام 2 different stains or dyes الأولى اسمها primary stain و الثانية اسمها counter stain بينهما decolorizing agent ال organism يبقوا عنده كام سكة 2 مالهش تالت either acquire the primary stain & resist decolorization يقوم ي appear باللون الأولانى يا اما ي undergo decolorization يقوم ي acquire the counter stain فيظهر باللون التانى عرفنا معنى differential stain خرينا يدل ما نقول differential stain نقول differential staining لأنها procedure و ليست صبغة واضح؟ حد عنده سؤال؟

س: ينفع نط لون تالت؟

ج: البكتيريا ليها capacity محددة ف once انها امتلت صبغة على فكرة دى تفصيلة مش عايز أخش فيها أنا بعد ما باحط الصبغة الأولى نص دقيقة باحط iodine solution و ال iodine solution يتحد مع ال methyl violet و يعمل complex ال molecules بتاعته كبيرة تقوم لما ال molecules كبرت جوه ال organism يبقى صعب تخرج فيبقى الفراغ اللي جوه مليون خالص لكن هنا عشان المسام بتاعت ال organism كبيرة الصبغة حتخرج فيبقى عنده استعداد ياخذ صبغة جديدة لكن ده مليون مش حياخذ صبغة جديدة بس مفيش مانع أعمل أحمد بيتكلم كلام صح.. اللي يقعد يحط alcohol كتير يعمل حاجة اسمها over decolorization و ممكن يآثر على اللون لو سبت اللون ال pink ده فترة طويلة احتمال يتحد مع ال violet و ال 2 ممكن يدوبوا فالفترات محسوبة بوقت يعنى تحط الصبغة و تستنى من نص دقيقة الى دقيقة و تغسل على طول تحط اليود و تستنى نص دقيقة و تغسل تحط ال alcohol عشان متعملش overdecolorization تعالوا نط الstain مع ال shape مع ال arrangement تقوم تعرف أنك حتميز

البكتيريا ازاي ؟ عندي بكتيريا اتينيات و gram positive و cocci دي عيلة اسمها pneumococci تعمل pneumonia لما ألقى بكتيريا أخرى اتينيات و cocci كنت حافتكر أنه هو pneumococci قمت لقيتهم كمان negative بقوا عيلة تانية اسمهم Neisseria شفت شفت ال stain عملت ايه اشتركت البكتيريا في صفتين دي cocci و دي cocci دي اتينيات و دي اتينيات أفرق بينهم ازاي صبغنا لقينا واحدة gram positive قمت مسميها اسم التانية gram negative سمتها اسم تاني # (Min 30:44) و حنشوف و احنا بندرس Volume 2 و ده سؤال مهم جداً حاقسم البكتيريا according to the stain gram positive or negative ثم ال shape هنقسمه cocci و bacilli .. مين في البكتيريا بتمتاز بالصفتين دول؟

بصوا بقى ال bacterial ultra-structure البكتيريا يا ولاد فيها 8 different components حنرسم من جوه لبره من جوه لبره يعني ايه بص كده اللي جوه ده ال nucleoid chromosome اللي بره ده ال cytoplasm بال components بتاعته و بعدين أول layer بتحيط بال cytoplasm ال cytoplasmic membrane ثم حوليها cell wall شغلانة معقدة كده ماتيجي ن simplify لو أنا بدأت بجوه جوه دي تبقى ال nucleoid عبارة عن chromosome قلنا عليه suspended فين في ال cytoplasm ادي cytoplasm ينفع ال cytoplasm اللي هو fluid يبقى سايب كده و لا لازم حاجة تعمل له enclosed ال enclosed by cell membrane cytoplasm طب ده رقيق و خرع كده ممكن يتقطع ال osmotic cytoplasmic عالي أوى ممكن ي absorb water و الخلية تنتفخ كلها فلازم ال cell wall يحميها صح؟ ال cell wall يحمي ال membrane

سؤال منطقي هل ممكن للبكتيريا أن تستغنى عن أى من الحاجات دي تعالا نتخيل بمتيريا معندهاش nucleoid حتعيش تتكاثر و تاخذ information مينين اذا كان ال nucleoid دي ده ال chromosome اللي بيحمل ال information ينفع أنت تعيش من غير chromosome ؟ و كذلك البكتيريا

طب ال cytoplasm بيبقى ملئ بال ribosomes و حاجات essential ينفع نستغنى عنها مينفعش طب ال cytoplasmic membrane اللي بي enclose الكلام ده ده اللي مسؤول أنه يسمح مين يخش و مين ميخشش ده لو مش موجود الدنين تخرب يبقى لابد من وجوده طب و ال cell wall اه دي بيحامي ال cytoplasmic membrane و لا بد من وجوده الا في اضيق الحدود بعض ال exceptions ممكن نلغيه و هنفهم ليه لكن مفيش مجال نستغنى عنه يعني الأربع

حاجات دول أساسيين يعنى دى essential components
 بره الكتاب بس مش ليكوا للماجستير عشان احنا مش قایل أنها essential components
 مرة سألنا طلبة الماجستير mention 4 in the bacterial cell
 essential components اذكر ال functions بتاعتهم و قل لى ازاى البكتيريا
 ممكن antibiotics ت attack such essential components
 لكن معاكوا انتوا طبعا بنبقى ابسط من كده بكتير بس عايزك تفهم وبعدين مش مهم
 السؤال بقى دول essential components لا غنى عنهم البكتيريا ماتعش بدونهم
 زى مثلا ماتبقى عربية بسيطة أبسط المطلوب فى العربية , motor , body
 دريكسيون كرسى من على القهوة مش دى عربية حتمشى بس ... تقول لى بقى فتحة
 سقف لأ دى رفاهيات لكن دى أساسيات العربية طب البكتيريا بقى اللى نفسها مثلا
 تنفس عايزة تتمشى كده تنهوى ماهواش أساسى للبكتيريا لبكتيريا تقدر تعيش و
 replicate من غير ماتتحرك يبقى هنا ال flagella حاجة optional additional
 ال flagella هو ال organ of movement بكتيريا عايزة تغلس عليك عايزة تلزق
 كده فيك بكتيريا رزلة رخمة يبقى عندها ال organ يلزقها فيك ال pili or fimbria
 ال organ of attachment واحد يقول لى طب مش عشان تلزق تعمل لك
 ال disease ده شئ مهم للبكتيريا؟ لأ طبعا ده على هامش حاية البكتيريا البكتيريا
 ماتلزقش فيك و تعملك disease مش قادرة تعيش و grow & replicate ؟ أبدا
 أومال ليه بتلزق فيك؟ بواخة يبقى ده حاجة optional طب بكتيريا قالت لك بص أنا
 عايزة اخش الراحل ده ايزه أخش أعماق كده أعرف ايه خباياه عايزه ت invade
 ال the blood stream تقوم تغفل ال macrophage بتاعته تقول لك حالبس كبسولة
 اهرب بيه من ال macrophage و حنعرف ازاى حتعرف تعمل macrophage
 # يبقى عندها كبسولة دى حاجة optional واحد يقول لى هى مش دخولها الدم ده
 حاجة أساسية لأ مش أساسية هى لو فضلت مرزوعة بره تاكل و تشرب و تنقسم مش
 حتعيش ؟؟ احنا بنتكلم على ايه المهم للحياة هو الحاجة ال essential انما الرفاهيات
 بقى بعنى البكتيريا عايزة تقتري عليك هو الافترا ده صفة اساسية يمكن اليومين دول
 اساسية و لا حاجة لأ اللى عايش ما هو بياكل و بيشر و الناس بتحبه الاغترا صفة
 اضافية أهو افترا البكتيريا عليك صفة اضافية لكن الصفات الأساسية اللى لا يمكن
 الاستغناء عنها هم المرسومين بالأسود دول ال nucleoid , cytoplasm.....
 طب لو البكتيريا اتعرضت لظروف unfavorable و تقعد متحوصلة كده لحد ما
 الظروف تتحسن حييى اسمها spore يعنى حوصلة اه دى برضو حاجة optional
 يبقى اذن ال 8 components اللى حندرس تفاصيلهم نقسمهم نصين دى تقسيمتنا
 احنا الكتاب مش مقسمهم كده 4 essential و 4 optional or additional
 هو الكتاب وضحهم فى paragraph قال لك all bacteria have nucleoid,

cytoplasm, cytoplasmic components as ribosomes & cytoplasmic membrane
most bacteria have cell wall بالرغم أنه essential لأن دي exceptions بسيطة

some bacteria have flagella and some fimbria and some can form spores and some have capsule
لما اجى للتفاصيل من جوه لبره جوه بقى ال cytoplasm حيقابلنى ال nucleoid

Bacteria is a prokaryotic organism have no true nucleus but have single chromosome called nucleoid suspended in the cytoplasm without nuclear membrane It is a double stranded DNA molecule لو قصيته و فردتوا يطلع طوله 1mm ده طويل بالنسبة للبكتيريا اللى بالميكرون تقول لى ازاي تحط ال 1مم جوه ميكرون supercoiling كعبناه زى لكن لو فردته على مسطرة يطلع 1مم # (Min 39:45) حلو أوى طب ايه رأيك لز أنا جوه ال cytoplasm جنب ال nucleoid حارملك حاجة ده DNA plasmid بره ال nucleoid خدتوه فى الباية فى ل tissue engineering و الحاجات دي تيجي نوصفه هو جوه الخلية لكن خارج ال extrachromosomal double stranded DNA chromosome molecule can replicate independent of nucleus أنا راسم 4 كور يعنى عمل replication مرتين بينما ال nucleoid لسه مانفصلتش باعتباره DNA بي carry genetic information طب ماعتبر هوش chromosome ليه لأ مش عشان صغير عشان أنت عندك 23 pair of chromosome مش كلهم نفس الطول هو مش supercoiled بس مش ده الفرق الأساسى لو شيلت ال nucleoid الخلية تموت يبقى اذن ال nucleoid & carry information for replication survival but the plasmid carry additional genetic information

مثال.. يعني قدره ال Bacteria # انها Produce toxins.. ال Bacteria دي عندها ال Plasmid لما يشتغل يخليها ت secrete ال toxins. و ده يخليها Virulent.. مفترية يعني... طب هل الأفترى ده صفة اساسيه؟ مش لسه قايلين الكلام ده.. لو ال bacteria دي بطلت ت produce ال toxins هتموت؟؟ اذا دي صفة اضافيه. اذا ال plasmid الفرق الرئيسى بينه و بين ال chromosome انه بيحمل genetic information مهياش essential للحياه ولا ال growth.

طبيب وانا خارج لبره, لقيت ال ribosome.. الله.. الجملة الجايه هنعفظها سوى..

كلمه ribosome تنقسم إلى -ribo يعني RNA و -some يعني body اذاً يتكون ال ribosome من جسم من ال protein يحمل ال RNA ادي تركيبه.. وظيفه ال Ribosome زي ماخدتهم ف ال Bio.. يقولك Protein synthesis . كثافه ال ribosomes ف ال bacteria .. الجملة الي استلفناها و حطيناها ف الجدول..

كثافه ال ribosome ف ال bacteria 70s و هو يتكون من 2 subunits واحد 30 و واحد 50s. طب هل ده يفرق عن ال human ribosome. نعم. بيكون 80s ف ال human. 2 subunits واحد 40 و واحد 60. ما اهميه هذه الجملة؟ احفظ الحمله دي عشان هتيجي ف الامتحان و اقولك comment او ..explain Bacterial

ribosomes are a selective target for antibiotic action. ماقولتلك ف المثال.. ادي باكتيريا 70s دخلت جسم انسان ال ribosomes بتاعته 80s.. يوم ماديك Antibiotic هيقف ال protein synthesis بتاع ال 70s دون ان ياتر على ال host. يبقى كده انا قدرت selectively اقتل bacteria و without harming the host. و ده شرط من شروطه ك ال antibiotic. لأن لو ده مش شرط كنت اديله nitric acid.. ده هيقتل ال bacteria بس انتا محافظتش على ال host. عشان كده ال FDA الي هي ال Food and Drug administration لازم توجيز الدوى قبل ما ينزل السوق. لازم يحقق Without harming the host. ده شرط اساسي. حلو

دايماً اتعودتوا من ايام ثانوي كل مايرسملكم خليه كده بيرسموها منقطه كده, صح ولا غلط؟! ايه الحبوب دي؟ دي محتويات جوه الخليه يسموها inclusion bodies او granules. تحتويها الخليه جايه من verb include يعني. الخليه بتحافظ على نفسها و تخزن الأكل ف شكل Glycogen, Starch, Lipids, Phosphates, و sulphur عشان تستخدمه ك ال mineral salt.. بس هما دول كلمتين صغيرين قوي.

أنا خلاص خارج من ال Cytoplasm لقيت ال membrane عامل فرح و مركب كباري كده. ايه بقى ال inward invagination دي؟ ال Cytoplasmic membrane مهواش ماشي straight كده.. دي حاجه اسمها ال mesosome. من الأجسام المدلله كده من ال cytoplasmic membrane. عباره عن complex inward invagination. و عندها وظيفه انها بتوسع ال surface area.

ال bacteria بتنقسم انقسام ثنائي بسيط. ال mesosome ده بي Extend للداخل كده و ده لقدام كده لحد مايتقبلوا بيقوا عملوا Septum يقسم الخليه نصين. فا يبقى بيشارك ف ال cell division. ادي وظيفه. ال bacteria اتعرضت لظروف unfavourable يكون هو على جنب كده يجبوه inward و ال mesosome قصاده يجبوه inward. لحد ما يقربوا يقسموا الخليه جزئين. جزئين وليس نصين. و تقوم

الbacteria واخذه الحجات الEssential و حطاهم ف الجزء الأصغر.. ده كأن حصل زلزال. كان في زميله سألت يعني ايه Spore.. اهي.. Bacteria اتعرضت لظروف unfavourable.. ل Adverse environmental conditions.. تقوم مكومه الحجات الEssential و تقوم مكمله تقفل عليها. و تحيطها ب very coat rigid tough. كأنها بتحمي الحجات الEssential. دي اسمها الحويصله هناخذها بالتفاصيل الحصه الجايه ان شاء الله. إذا mesosome شارك في الCell division و الSpore formation. و أهم وظيفه له و عدت عليكم عشان محدش سأل. الbacteria كا prokaryote معندهاش mitochondria محدش سأل امال ال Energy Production بيتم فين؟؟ امال الخليه الي قلت عليها single و هتأدي كل وظائف الحياه و المهام المطلوبه منها بأيه؟! هنا الmesosome هو البديل عن الmitochondria.. حيث يحتوي الmesosomes على الRespiratory enzymes المسؤوله عن الEnergy production و دي أهم وظيفه لها. و دي كلمه اقدر أجيبها ف الامتحان و ابروزها و أقولك explain ! مكتوب ف الكتاب they are the functional equivalent يعني المكافئ الوظيفي الي بيكافئ الmitochondria بأمكانيات أعلى.. وضح ذلك explain ! أصل الbacteria دي prokaryotic (كل سؤال تبدأه كده) يبقى ناقصه mitochondria طب الي يقوم بمهام ال mitochondria مين؟؟ الmesosomes لأنه محل الrespiratory enzymes.

اخر حاجه بقي.. cytoplasmic membrane.. زيه زي أي cytoplasmic membrane في الدنيا يتقال عليه Phospholipid protein bilayer لكن في فرق ف جمله انا اخدتها من هنا و حطيتها ف الجدول الأولاني. أن ال cytoplasmic membrane الي ف الbacteria مفيهوش Steroids. مش في wall بيحيط بالC. Membrane ؟ فايبقى ليس بالضروره انه يبقى Touch عشان في cell wall يحميه و بنائاً عليه فا هو معندهوش steroids و ده فرق بينه و بين Eukaryotic cells.

ايه وظيفه الC. Membrane ؟ احنا رتبناها هنا ترتيبه غير الي ف الكتاب عشان تبقى قصه مهمه. هي 6 وظائف, قصه من الحياه. ازاي؟ طبعاً انتا خدت ف الPhysiology ان الCell membrane اليهو ده مسؤول عن الtransport صح؟ و لل Transport انواع. منها ما هو ايه؟ simple, facilitated, and active. مش عايزين تفاصيل عايزين اسماء بس. الsimple هو الي بالconcentration gradient. و الFacilitated هو الي يحتاج Carrier عشان

يعدي. و ال Active لما يبقى ضد ال Concentration gradient و يحتاج Energy. خدتوا الكلام ده مش هنز عجبك بيه.

لكن اخر كلمه الي هي Active بتفكر ان عشان حاجه تخش محتاجين طاقه و عشان حاجه تعيش محتاجه طاقه فا تقوم تفكر بال energy production الي هي Function n.2.. ماهو اصل ال cytoplasmic reticulum هو صاحب ال lysosomes الي تحتوي على ال respiratory enzymes. يعني نفس الكلمه الي قلتها عند ال cytoplasmic reticulum أقدر أقولها هنا؟ نعم! يعتبر Functional of mitochondria equivalent.. كلام منطقي..

طب وانتا شاب كده و مليون Energy و عايز تشتغل كده,, بتشتغل ليه؟ عايز تكون نفسك.. عايز تبني بيت. يبقى cell wall biosynthesis.. يبقى هو له الفضل في تكوين ال cell wall ليه؟؟ سببين.. 1- يحتوي على Enzymes المطلوبه في عمل ال cell wall.. واحد يقول طب ماهيا ال cell عندها اصلاً cell wall هتبني واحد ثاني ليه؟ عشان ال division.. و 2- عنده ال Carriers و ال Subunits عشان ال cell wall. هناخداه قدام بالتفصيل.

طب وانتا عايز تبني بيت ليه؟؟ تعيش فيه لوحذك؟ ولا عشان الفرح و الجواز و كده.. يبقى أه عشان ال Cell division.. عشان ال reproduction... بيعمل ده ازاي.. بيساعد ال nucleus انه يdivide و حجات هناخداه بالتفصيل قدام.

طب انتا عايز يا ترى ال reproduction يبقى نتايجه ايه؟ انك مخلف و تجيب عيال و يبقى بينك و بينهم شد و جذب. Chemotactic function. يبقى عليه receptors تستقبل ماده Attractant تقولها قربي الناحيه دي (Positive ch.) و ماده repellent تقولها ابعدني عن هنا في حاجه (Negative chemotactic) ..harmful

و بعد ماتجيب ولاد و يبقى في بينك و بينهم شد و جذب.. يطلعوا excretion على جنتك و ده نهايه تعبك و شقاك و ال Energy وبناء البيت و الجواز و الخلفه هتلاقي Excretion طلعت على جنتك فا تفرز العديد من ال enzymes.. واحد Hydrolytic تكون digestive تكسر المواد عشان تبتي تقدر تاخداه و الثاني يحميك من ال antibiotic action.